

**Aningaasarsianit pigisanillu marloriaammik akileraarnissaq pinngitsoorniarlugu kiisalu  
Akileraartarnermi suliaassanik ikioqatigiittarnissaq pillugu danskit naalackersuisuisa aamma  
Naalackersuisut isumaqatigiissutaanni 18. oktober 1979-imeersumi allaaserisaq 24  
naapertorlugu isumaqatigiissut**

Danskit naalackersuisui aamma Naalackersuisut,  
aningaasarsianit pigisanillu marloriaammik akileraarnissaq pinngitsoorniarlugu kiisalu akileraartar-  
nermi suliaassanik ikioqatigiittarnissaq pillugu isumaqatigiissummi 18. oktober 1979-imeersumi al-  
laaserisaq 24 naapertorlugu ilassutitut isumaqatigiissummik isumaqatigiissuteqarumasut,  
makku isumaqatigiissutigaat:

**Allaaserisaq 1**

Inunnut akileraartarnikkut Kalaallit Nunaanni angerlarsimaffeqartunut tunngatillugu soraarnerussu-  
tisiaqalernissamut aaqqissuussinernik ingerlaavartumik tunniussiviusartunik, danskit soraarnerussu-  
tisiaqalernissamut imaluunniit inuunermut sillimmasiisarfiini pilersinneqarsimasunik, aningaasarsi-  
anit pigisanillu marloriaammik akileraarnissaq pinngitsoorniarlugu kiisalu akileraartarnermi sulias-  
sanik ikioqatigiittarnissaq pillugu danskit naalackersuisuisa kalaallillu naalackersuisuisa isumaqati-  
giissutaanni 18. oktober 1979-imeersumi allaaserisaq 4 naapertorlugu Kalaallit Nunaannut nuussi-  
nerit soraarnerussutisianik akileraarusiisarneq pillugu inatsimmi immikkoortoq 1 naapertorlugu tun-  
niussinertut akiliinertulluunniit isigineqassanngillat. Tamatumunnga piumasaavoq soraarnerussuti-  
siaqalernissamut aaqqissuussinernut pineqartunut akiliutit Danmarkimi ilanngaatigineqarsimanngin-  
nissaat imaluunniit sulisitsisup aaqqissuussinernut akiliutaasa aningaasarsianut ilanngunneqartus-  
saanngitsutut isigineqarsimannginnissaat.

**Allaaserisaq 2**

Ilassutitut isumaqatigiissut manna atortuulissaaq ullormi illua'tungeriit marluullutik atsiuiffianni.

*Imm. 2.* Ilassutitulli isumaqatigiissut siusinnerpaamik atortuulissaaq ullormi Folketingip isumaqati-  
giissummik akuersissuteqarnera pillugu inatsimmik nalunaarutiginniffiusumi.

*Imm. 3.* Ilassutitut isumaqatigiissut atuutilissaaq ulloq 1. januar 2012 aallarnerfigalugu.

**Allaaserisaq 3**

Ilassutitut isumaqatigiissut manna atuuttuassaaq isumaqatigiissut 18. oktober 1979-imeersoq atuut-  
sillugu.

Københavnimi suliarineqarpoq, ulloq .....2012, danskisooq kalaallisoorlu marlunngorlugit, taakkulu oqaasertaat naligiimmik atuussuseqarput.